

ուստի պետք է ենթադրել, որ եկվոր հայ ազգագրական շերտն այնքան բազմամարդ է հղել, որ ժամանակի ընթացքում մոռացնել է ավել սրանոց տեղմինը և գործածական դարձրել ձիթիհանք բառը, ինչպես դա կատարվել

է այլ պատմա-ազգագրական շրջաններում ևս /հմտ. Գեղարքունիքում XIX դ. նրեսանյան թվականներից հետո նույն սրանոցի վերափոխվելը ձիթխացով՝ դարձյալ որպես պատմա-ազգագրական կենցաղա-մշակութային շերտի արմատական վերափոխության անմիջական հետևանք/:

ԱԼԱՎԱՐԴ ՂԱԶԻՅԱՆ

ԶՈՐԱՎԱՐ ԱՄԻՐԱՆԻԿԱԸ ՈՐՊԵՍ

ՎԻՊԱ-ՀԵՐՈՍԱԿԱՆ ԿԵՐՊԱՐ

1. Հերոսները ծնվում են ժամանակի պահանջով: Ժամանակի պահանջով է ծնվել գորավար Անդրանիկը: Անդրանիկի իրական գործունեության շարժառիթները, իմաստն ու նպատակադրումը համընկնում է հայ ժողովրդի ազգային հասարակական իդժերին ու շահախնդրություններին, ինքն իբրև անհատականություն համապատասխանում է հերոսի վերաբերյալ ժողովրդին զաղափարական-բանաստեղծական չափանիշներին: Այդ է պատճառը, որ նա արդեն իր կենդանության օրոք բանահյուսական ստեղծագործությունների առաջացման ազդակ է հանդիսացել:

2. Անդրանիկի անվան շուրջ ստեղծված բանահյուսությունը գերազանցապես վիպական բնույթի է՝ երգեր ու զրույցներ: Ըստ վերջինների կերտվում է իրական պատմական անհատի վիպականացված հերոսական կերպարը, որին բնորոշ են հետևյալ գծերը: Ա. Հերոսն ունի ,,հրաշալի,, մանկություն, որով պայմանավորված է նրա հետագա կյանքը, նրա անխոցելիությունը: Նա մեծանում է ու հասակ է առնում առանց ծնողների: Որք հերոսին խնամում ու դաստիարակում են քաջ, վեհանձն մարդիկ: Բ. Հերոսն իր ծին ստանում, ծեռք է բերում արտասովոր պարզասներում: Նա իր Անդրանիկ անունն ստանում է այս կամ այն ակնահուս արարքի շնորհիվ, անհատական յուրովի վարքագծի համար: Գ. Հերոսի ու խշտմու հակամարտությունը բացահայտվում է, նրա պայքարն սկսվում է տնտեսական, հասարակական-քաղաքական բնույթի հանգամանքներում: Դ. Հերոսն օժտված է հայրենասիրությամբ՝ բառի լայն իմաստով: Իր համախոհ զինակիցների հետ միասին, ապավինած հայրենիքի առևտրիկ բնութայնը, պայքարում է իր ժողովրդի ազատության համար: Նա խիզախ է ու քաջ: Իր սակավաթիվ զինվորներով մեծ կոտորած է ա-

նում թշնամու գործերի մեջ: Թշնամին անգամ խոստովանում է ու գնահատում նրա հմուտ դազմավորությունն ու անձնական խիզախությունը: Ե. Հերոսը պաշտպանում է ու հովանավորում բոլոր զրկվածներին, մշվածներին, անկախ նրանց ազգությունից: Նա վեհանձն է, խիստ, արդարադատ, մեծահոգի ու ազնիվ: ժշմարիտ բարեկամ է, նվիրված ու հավատարիմ քնկեր:

3. Անդրանիկի բանահյուսական կերպարի գոյություն փաստը ցույց է տալիս, որ տակավին XIX - XX դդ. կենդանի ու կենսունակ էին հայ վիպական-հերոսական ավանդույթները:

ՅՈՒՐԻ ՄԿՐՏՈՒՄՅԱՆ

ԷԿՈՆՈՄԻԿԱՅԱՆ ԵՎ ՍՈՑԻՈՄԵԱԿՈՒԹՅԱՅԻՆ ԳՈՐԾՈՆՆԵՐԸ ՀԱՅՈՑ-ԱՆԱՄՆԱԳԱՀԱԿԱՆ ՏՆՏԵՍՈՒԹՅԱՆ ՊԱՏՄԱԿԱՆ ՇԱՐԺԸՆԹՅԱՅԻ ՄԵՋ

1. Բնա-էկոլոգիկ և սոցիոմշակութային գործոնների հարաբերակցության հարցը կարևոր տեղ է բռնում պատմա-մշակութային ուսումնասիրություններում: Դրա մեթոդաբանական և տեսական էական նշանակությունը այն է, որ հարցի միշտ ընկալմամբ ու կիրառմամբ է մեծ մասամբ պայմանավորված մշակութային երևույթների և դրանց բազմազան ձևերի առաջացման, կիրարկման ու զարգացման մեխանիզմների իսկական գիտական մանաշումը:

2. Սույն զեկուցման մեջ, հայոց անասնապահական տնտեսության օրինակով բացահայտվում են վերոհիշյալ գործոնների ազդեցության առանձնահատկությունները տարբեր բնա-էկոլոգիկ և սոցիոմշակութային պայմաններում, պատմական զարգացման տարբեր փուլերում:

3. Հայկական լեռնաշխարհի ֆիզիկա-աշխարհագրական պայմանները, խիստ կտրտված ռելիեֆը և ուղղահայաց գոտիականությունը հնագույն շրջանից դրոշմ են դրել հողի գյուղատնտեսական յուրացման բնույթի վրա: Դրա էական գծերը դրսևորվում են տնտեսության կոմպլեքսայնությունում, երկրագործության և անասնապահության հարաբերակցության տարածային բազմազանությամբ, ինչպես նաև քնտանի կենդանիների տեսակների ու ցեղատեսակների արեալային տարբերություններով: Հայոց անասնապահական տնտեսության բնույթի մեջ ռեզիդուալ և ժամանակագրական նմանությունների ու տարբերությունների առաջացման պատճառների բացահայտումն անխուսափելիորեն պահանջում է բնա-էկոլոգիկ և սոցիոմշակութային գործոնների ազդեցության առանձնահատկությունների դիտարկում: